

গণপ্রজাতন্ত্রী বাংলাদেশ সরকার

শ্রম ও কর্মসংস্থান মন্ত্রণালয়

সংস্থাপন-১ শাখা

www.mole.gov.bd

স্মারক নম্বর: ৪০.০০.০০০০.০২০.৩৮.০০৫.২০-১০১

তারিখ: ১৭ ফাল্গুন, ১৪২৮ বঙ্গাব্দ
০২ মার্চ, ২০২২ খ্রি:

অফিস আদেশ

আপিল মামলা নং ০৬/২০২০

জনাব মাহবুবুল আলম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, সিলেট-এর বিবুকে কলকারখানা প্রতিষ্ঠান ও পরিদর্শন অধিদপ্তরের ৪৮ (আটচল্লিশ) জনের শ্রম পরিদর্শক (সাধারণ) পদ হতে এর সহকারী মহাপরিদর্শক (সাধারণ) পদে পদোন্নতি উদ্দেশ্যমূলকভাবে আটকে দেয়ার উদ্দেশ্যে বার্ষিক গোপনীয় প্রতিবেদন (এসিআর) জালিয়াতি, ফেসবুকে। মন্ত্রণালয়ের কর্মকর্তা, মাননীয় প্রতিমন্ত্রী এবং অধিদপ্তরের অনেক কর্মকর্তাগণের নামে অশোভন পোস্ট, লাইক, কমেন্ট ইত্যাদি বিবেষমূলক কর্মকাণ্ডের অভিযোগের বিষয়ে প্রমাণিত হওয়ায় এবং অভিযুক্ত কর্মকর্তার বিবুকে রুজুকৃত বিভাগীয় মামলার লিখিত জবাব নিয়োগকারী কর্তৃপক্ষের নিকট প্রদান না করে আপিল কর্তৃপক্ষের নিকট জবাব প্রদান করায় কলকারখানা ও প্রতিষ্ঠান পরিদর্শন অধিদপ্তরের মহাপরিদর্শক কর্তৃক সরকারি কর্মচারী (শৃঙ্খলা ও আপিল) বিধিমালা, ২০১৮ এর বিধি ২(খ) অনুযায়ী অসদাচরণ এর অভিযোগে তাঁকে একই বিধিমালার ৪(২)(খ) অনুযায়ী লঘুদণ্ড হিসেবে ১২-০৭-২০২০ তারিখ থেকে পাঁচ বছরের পদোন্নতি স্থগিতের দণ্ডাদেশ প্রদান করা হয়। উক্ত আদেশের বিবুকে তিনি উর্ধ্বতন কর্তৃপক্ষ বরাবর ২৬-০৭-২০২০ তারিখ আপীল আবেদন দাখিল করেন। এর প্রেক্ষিতে ২০-১২-২০২০ ও ২৬-০৯-২০২১ তারিখে তাঁর ব্যক্তিগত শুনানি গ্রহণ করা হয় এবং আদেশের জন্য ০২-০৩-২০২২ তারিখ ধার্য করা হয়।

জনাব মাহবুবুল আলম তার ব্যক্তিগত শুনানির লিখিত বক্তব্যে বলেন যে, তিনি উপমহাপরিদর্শকের কার্যালয়, সিলেটে কর্মরত আছেন। তার বিবুকে এসিআর ঘোষামাজা ও জালিয়াতি, সংবাদ মাধ্যমে দণ্ডের বিরোধী সংবাদ প্রকাশ এবং ফেসবুকে অশোভন পোস্ট প্রচার সংক্রান্তে যে অভিযোগ আনা হয়েছে উহাতে তিনি কোনো ভাবেই জড়িত নয় মর্মে লিখিত বক্তব্যে জানান। তিনি কর্মজীবনে কখনোই প্রধান কার্যালয়ে কর্মরত ছিলেন না বিধায় এর সংশ্লিষ্ট কোন কাগজপত্র পাওয়া বা দেখার কোন সুযোগ নাই। এছাড়া তিনি “mahbubul.alam.520” ফেসবুক আইডি ব্যবহার করেন। এই আইডি থেকে অশোভন কোন পোস্ট করা হয়নি। পরিশেষে তিনি ন্যায়বিচার প্রার্থনা করেন এবং তার বিবুকে প্রদত্ত দণ্ডাদেশ বাতিল করে বিভাগীয় মামলা থেকে অব্যাহতির প্রার্থনাপূর্বক লিখিত বক্তব্য দাখিল করেন।

জনাব মোঃ মাছুম বিল্লাহ, আইন কর্মকর্তা বলেন যে, অভিযুক্ত কর্মকর্তার বিবুকে এসিআর জালিয়াতি এবং বিভিন্ন সংবাদপত্রে অধিদপ্তর ও মন্ত্রণালয় বিরোধী সংবাদ প্রকাশের বিবুকে ব্যবস্থা গ্রহণের নিমিত্ত কলকারখানা ও প্রতিষ্ঠান পরিদর্শন অধিদপ্তরের স্বাস্থ্য শাখার যুগ্মমহাপরিদর্শক (চ: দাঃ) জনাব ডাঃ মোঃ মোস্তাফিজুর রহমান ও তৎকালীন উপমহাপরিদর্শক (স্বাস্থ্য শাখা) জনাব মতিউর রহমান কর্তৃক দাখিলকৃত তদন্ত প্রতিবেদনের ভিত্তিতে আলোচ্য কর্মকর্তাকে অভিযুক্ত করে উল্লিখিত দণ্ড প্রদান করা হয়।

জনাব মাহবুবুল আলম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, সিলেট-এর বক্তব্য, লিখিত বক্তব্য এবং নথিসহ সংশ্লিষ্ট কাগজাপত্রাদি ও পারিপার্শ্বিক অবস্থাদি পর্যালোচনায় সরকারী কর্মচারী (শৃঙ্খলা ও আপিল) বিধিমালা, ২০১৮ এর বিধি ৪(২)(খ) অনুযায়ী লঘুদণ্ড হিসেবে ইতোপূর্বে যে দণ্ড প্রদান করা হয়েছে, তা মাত্রাতিরিক্ত মর্মে প্রতীয়মান হয়। তবে উল্লেখ্য যে, তিনি প্রথম কারণ দর্শনোর জবাব তার নিয়োগকারী কর্তৃপক্ষের নিকট প্রদান না করে সরাসরি আপিল কর্তৃপক্ষের নিকট জবাব প্রদান করেন যা সরকারি চাকুরি বিধির পরিপন্থি। ইহা একটি অপরাধ, তাই তিনি শাস্তি পাওয়ার যোগ্য।

(২)

জনাব মাহবুবুল আলম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, সিলেট-কে ১২-০৭-২০২০ তারিখের ৪০.০১.০০০০.১০১.৩১.২৭৩.১৬-১৩৮ নং আদেশের মাধ্যমে আরোপিত দ্বন্দবেশের বিষয়টি ছিল মাত্রাতিরিক্ত। এছাড়া তিনি নিয়োগকারী কর্তৃপক্ষের নিকট কারণ দর্শানোর জবাব প্রদান না করে আপিল কর্তৃপক্ষের নিকট জবাব দেয়ার বিষয়টি সরকারি চাকুরি বিধি বইভূত।

উপর্যুক্ত বিষয়গুলোর সার্বিক বিবেচনায় জনাব মাহবুবুল আলম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, সিলেট-কে ১২-০৭-২০২০ তারিখের ৪০.০১.০০০০.১০১.৩১.২৭৩.১৬-১৩৮ নং আদেশের মাধ্যমে আরোপিত দ্বন্দবেশ মাত্রাতিরিক্ত হওয়ায় সরকারি কর্মচারী (শৃঙ্খলা ও আপীল) বিধিমালা, ২০১৮ এর আপিল নিষ্পত্তি বিধি ২১ এর (গ) অনুযায়ী ৫ বছরের পদোন্নতি স্থগিতের দ্বন্দবেশ কমিয়ে ২ (দুই) বছর স্থগিতের দ্বন্দবেশ আরোপ করা হল। যা ১২-০৭-২০২০ তারিখ হতে কার্যকর হবে। একই সাথে মামলাটি নিষ্পত্তি করা হল।

এ আদেশ অবিলম্বে কার্যকর হবে।

স্বাক্ষরিত/-

(মো: এহচানে এলাহী)


সচিব

শ্রম ও কর্মসংস্থান মন্ত্রণালয়

তারিখ: ১৭ ফাল্গুন, ১৪২৮ বঙ্গাব্দ
০২ মার্চ, ২০২২ খ্রি:

সদয় অবগতি ও কার্যার্থে প্রেরণ করা হল:

- ১। মহাপরিদর্শক, কলকারখানা ও প্রতিষ্ঠান পরিদর্শন অধিদপ্তর, ঢাকা।
- ২। মাননীয় প্রতিমন্ত্রী মহোদয়ের একাত্ত সচিব, শ্রম ও কর্মসংস্থান মন্ত্রণালয় (সচিব মহোদয়ের সদয় অবগতির জন্য)।
- ৩। সচিব মহোদয়ের একাত্ত সচিব, শ্রম ও কর্মসংস্থান মন্ত্রণালয় (সচিব মহোদয়ের সদয় অবগতির জন্য)।
- ৪। সিস্টেম এনালিস্ট, শ্রম ও কর্মসংস্থান মন্ত্রণালয় (মন্ত্রণালয়ের ওয়েব সাইটে প্রকাশের অনুরোধসহ)।
- ৫। প্রধান হিসাবরক্ষণ কর্মকর্তা, শ্রম ও কর্মসংস্থান মন্ত্রণালয়, সিজিএ অফিস ভবন, সেগুনবাগিচা, ঢাকা।
- ৬। উপমহাপরিদর্শক, উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, সিলেট।
- ৭। অতিরিক্ত সচিব (প্রশাসন) এর ব্যক্তিগত কর্মকর্তা, শ্রম ও কর্মসংস্থান মন্ত্রণালয় (অতিরিক্ত সচিবের অবগতির জন্য)।
- ৮। যুগ্মসচিব (সংস্থাপন) এর ব্যক্তিগত কর্মকর্তা, শ্রম ও কর্মসংস্থান মন্ত্রণালয় (যুগ্মসচিবের অবগতির জন্য)।
- ৯। জনাব মাহবুবুল আলম, শ্রম পরিদর্শক (সাধারণ), উপমহাপরিদর্শকের কার্যালয়, কলকারখানা ও প্রতিষ্ঠান পরিদর্শন অধিদপ্তর, সিলেট।
- ১০। অফিস কপি/গার্ড ফাইল।


(মো: হানিফ সিকদার)

উপসচিব

ফোন: +৮৮০২২২৩০৫৭১৪০

Section10@mole.gov.bd